



# UniMAP Miliki Litar Go-Kart Bertaraf Antarabangsa



Sukan permotoran semakin mendapat tempat di hati golongan belia masa kini dan lebih manis lagi Universiti Malaysia Perlis (UniMAP) telah memiliki sebuah litar go-kart bertaraf antarabangsa yang terletak di kampus induk universiti itu di Pauh Putra. Majlis Pra Perasmian Litar disempurnakan oleh Naib Canselor UniMAP, Brig. Jen. Datuk Prof. Dr. Kamarudin Hussin. Litar yang berjarak 1.2 km merupakan litar pertama di zon utara yang diiktiraf oleh Automobile Association of Malaysia (AAM) dan menepati piawaian antarabangsa.

Dalam program yang sama turut diadakan majlis menandatangani memorandum persefahaman (MoU) antara UniMAP dan Kelab Sukan Motor Perlis (KSMPs). UniMAP diwakili Naib Canselornya dan KSMPs diwakili En. Zulkarnain Abd Aziz.

